



Pou Biblikasyon Imedya: 28/03/2022

GOUVÈNÈ KATHY HOCHUL

GOUVÈNÈ HOCHUL ANONSE AKÒ PIBLIK-PRIVE KONJWEN POU ASIRE BUFFALO BILLS RETE NAN ETA NEW YORK

Yon investisman 600 milyon dola ki soti nan Eta New York - mwens pase mwatye kou estad la - pral koresponn avèk investisman ki soti nan NFL, Bills ak Konte Erie epi ap kenbe ekip la nan Buffalo pou 30 ane k ap vini yo

Pi gwo pwojè konstriksyon nan istwa Lwès New York pral konstwi avèk mendèv sendikal, ki prevwa kreye 10,000 travay nan konstriksyon

Enpak ekonomik ekip la pral kouvri plis pase 100 poustan pati piblik la pou finansman estad la

Gouvènè Kathy Hochul ak Egzekitif Konte Erie a, Mark Poloncarz, te anonse jodi a yon akò ant Eta New York, Konte Erie ak franchiz Buffalo Bills NFL la pou yon nouvo estad 1.4 milya dola nan Pak Orchard. Negosyasyon Gouvènè Hochul yo te garanti yon angajman 30 ane pou Bills rete nan Buffalo epi yon konbinezon 550 milyon dola ki soti nan NFL ak Bills - ke pwopriyetè NFL yo apwouve jodi a. Gouvènè a pral fè avanse yon pwopozisyon 600 milyon dola nan bidjè eta a epi Konte Erie pral kontribiye ak 250 milyon dola. Enpak ekonomik ak fiskal yo ki te jenere akòz ekip la pral sipòte plis pase 100 poustan pati piblik la nan kou nouvo estad la.

"Mwen te antre nan negosyasyon sa yo pou eseye reponn twa kesyon - pandan konbyen tan nou kapab kenbe Bills nan Buffalo, kijan nou ka asire pwojè sa benefisyé gason ak fanm Lwès New York ki travay di yo epi kijan nou kapab jwenn pi bon akò pou kontribiyab yo?" **Gouvènè Hochul te deklare.** "Mwen kontan ke apre plizyè mwa negosyasyon, nou te rive jwenn pi bon repons posib yo - Bills ap rete nan Buffalo pou yon lòt 30 ane, pwojè a pral keye 10,000 travay sendikal epi Nouyòkè yo kapab rete asire ke envestisman yo pral gen aktivite ekonomik ke ekip la jenere k ap pèmèt rekiper envestisman yo".

Franchiz Buffalo Bills la se yon motè ekonomik ki pwouve pou reyon Buffalo ak eta a. Bills jenere 27 milyon dola chak ane nan enpo dirèk sou revni, vant ak itilizasyon pou Eta New York, Konte Erie ak Buffalo. Revni sa yo pral ogmante epi pral atenn yon fason kimilatif plis pase 1.6 milya dola pandan peryòd lokasyon 30 ane a. Anplis de sa, fanatic yo ki patisipe nan match New York, Etazini ak Kanada epi ki depanse lajan lokalman ke

yo pa t ap depanse nan rejon an pral pèmèt yon enpak ekonomik plis pase 385 milyon dola chak ane.

Pwopriyetè Buffalo Bills la, Terry ak Kim Pegula, te deklare, "Nou te pran yon lòt mezi jodi a pou solidifye objektif kolektif nou pou konstwi yon novo estad pou Buffalo Bills nan Pak Orchard. Nou rekonesan pou tan an, efò ak angajman inebranlab Gouvènè Hochul ak ekip li a pandan pwosesis sa. Pandan gen kèk mèt pou nou pakouri pandan n ap travèse liy final la, nou santi patenarya publik-prive nou an ant Eta New York, Konte Erie ke Egzekitif Konte Poloncarz ak Lig Foutbòl Nasyonal la te dirije pral pèmèt nou rive la".

Egzekitif Konte a Mark Poloncarz te deklare, "Buffalo Bills ankre nan kè ak nanm abitan Lwès New York yo. Li te esansyèl pou nou jwenn yon akò ki asire ke ekip la rete nan Buffalo, men tou se te yon akò jis pou popilasyon Konte Erie ak New York la. Se egzakteman akò ki te konkli: Bills pral jwe nan Buffalo pou 30 ane k ap vini yo; 10,000 travay sendikal nan metye konstriksyon pral fèt sou pwojè a; epi konte a p ap kontribiye ankò nan depans anyèl operasyon ak kapital, kidonk, sa ap ekonomize kontribiyab yo plizyè dizèn milyon dola pandan peryòd lokasyon an. Mwen remèsyé Gouvènè Kathy Hochul ansanm ak Terry ak Kim Pegula dèské yo te travay di nan mwa pase yo pou rive jwenn yon akò ekitab pou tout moun".

Pati finansman publik la redui pa rapò ak akò estad anvan yo. An 1973, konstriksyon Estad Highmark la te finanse 100 pa antite publik, jan sa te ye pou renovasyon ak konstriksyon sant antrènman an 1998. 73 poustan renovasyon 2013 la te jwenn finansman publik. Pwopozisyon sa gen ladan 60.7 poustan finansman publik, pi ba pase lòt akò resan estad NFL yo sou mache konparab. Pati Eta a se 43 poustan.

Akò 30 ane a detaye konstriksyon yon novo estad avèk yon minimòm 60,000 plas nan Pak Orchard, Konte Erie ke Buffalo Bills pral konsevwa ak konstwi. Akò a gen ladan yon angajman Bills pou jwe nan novo estad la pandan 30 ane k ap vini yo. Bills pral kòmanse konsevwa novo estad la touswit, epi tout pati yo pral kòmanse negosyasyon yo sou pwolonje lokasyon aktyèl ekip la pou Estad Highmark la k ap ekspire an 2023.

Pwojè estad la prevwa kreye anviwon 10,000 travay nan konstriksyon epi pral konstwi apati mendèv sendikal an akò avèk yon Akò Travay Pwojè (PLA) a. Bills pral negosye yon PLA avèk Konsèy Metye Batman ak Konstriksyon Buffalo, New York ak vwazinaj la, AFL-CIO, nan non sendika lokal afilye li yo. Akò a egzije Bills pou dakò ak yon Akò Benefis Kominotè, ki gen pou yo negosye.

Konte Erie pral transfere pwopriyete estad aktyèl la ak konplèks toupre a, ki gen ladan sant antrènman ak espas biwo, bay Eta a. Eta a pral posede novo estad la ak konplèks toupre a, ke yo pral lwe bay Bills. Nan ka Bills pa ta respekte akò a, Eta a ak Konte a gen dwa pou ale nan tribunal pou fè aplike tèm non-demenajman yo. Nuevo estad la kapab itilize pou rezon sivik, tankou, si nesesè, livrezon vaksinasyon ak operasyon eleksyon - ansanm ak ijans.

Prezidan Konsèy Metye Batiman ak Konstriksyon Eta New York Ia, Gary

LaBarbera, te deklare, "Nou vle remèsyé Gouvènè Hochul, fanmi Pegula, ak Buffalo Bills dèské yo fè mendèv sendikal la tounen pwen santral pwojè konstriksyon nouvo Estad Bills la. Nouvo Estad Bills la pral kreye 10,000 bon travay sendikal ki peye byen epi apre de ane difisil akòz pandemi a, envestisman publik-prive se egzakteman sa nou bezwen pou fanmi ki travay di yo nan Lwès New York. Nan non 200,000 komèsan nou reprezante atravè eta a, Konsèy Batiman ak Konstriksyon Eta New York la fyè pou li sipòte pwojè sa epi manm nou yo pa ka tann pou kòmanse travay ak kenbe Bills nan Lwès New York".

Prezidan AFL-CIO Eta New York, Mario Cilento, te deklare, "Nou remèsyé Gouvènè Hochul dèské li reyalize pwomè li pou kenbe Buffalo Bills nan Lwès New York. Se yon envestisman endispansab nan rejon an ki pral kreye opòtinite pou travayè yo kontinye viv ak travay nan estad la ak alantou li pou plizyè ane alavni. Revni kominote dafè a ak travayè yo te jenere pral ranfòse baz fiskal nou epi pèmèt nou kontinye bay sèvis publik atravè eta a ke nou tout konte sou yo. Nou fyè ke estad la pral konstwi avèk mendèv sendikal, mendèv ki pi byen fòme, pi konpetan nan peyi a, ki pral pèmèt nou jwi estad la pou plizyè jenerasyon alavni".

Komisè NFL, Roger Goodell, te deklare, "Nou kontan wè gwo pwogrè ki te fèt sou yon plan ki pral bay fanatik Bills yo enstalasyon klas mondal yo merite nan Lwès New York. Nou apresye lidèchip ak patenarya ekstraòdinè Gouvènè Hochul, Senatè Schumer ak Egzekitif Konte Erie, Poloncarz. Nou pral kontinye travay deprè avèk yo ak Pegulas pou pèmèt vizyon enteresan sa tounen yon reyalite. Pegulas te kontinye demontre angajman anvè Buffalo, yon mache ki te sipòte NFL pandan plizyè jenerasyon. Nouvo estad la pral bay plis fondasyon pou ede Bills rete konpetitif nan Lwès New York pou plizyè deseni alavni".

Komisè Pwovizwa epi Prezidan ak Direktè Egzekitif Jeneral deziyen Empire State Development, Hope Knight, te deklare, "Bills se yon gwo motè ekonomik pou Lwès New York la ak odela. Tan an t ap pase vit sou diskisyon pou estad Bills la avèk avni ekip la ak plizyè milyon dola nan revni ki anje -- men tankou pi bon kwatèbak (atakan) yo, Gouvènè Hochul te fè mouvman gayan jwèt la pou kenbe Bills nan Buffalo. Mwen felisite tout moun ki rekonèt enpòtans pou gen Bills nan Eta New York pou benefis mityèl fanatik, biznis ak minisipalite yo".

Senatè Eta a, Sean Ryan te deklare, "Buffalo Bills ankre nan lespri Lwès New York pou plizyè jenerasyon. Pandan bon ak move tan yo, nou tout te gen eksperyans komèn pou ankouraje ekip vil natal nou an. Pandan n ap anbake nan yon nouvo epòk pou Bills, mwen konnen nou tout rekonesan ke prezans yo nan WNY (Lwès New York) garanti pou plizyè deseni alavni - pandan sa ap pote yon pwojè travay sendikal inik nan yon jenerasyon. Mwen remèsyé Gouvènè Hochul ak Egzekitif Konte Poloncarz dèské yo te travay di pou rann jou sa posib, epi estriktire yon akò alontèm ki ranbouse kontribiyab eta a yo envestisman inisyal yo".

Senatè Eta Tim Kennedy te deklare, "Buffalo Bills fè pati moun nou ye kòm yon kominate. Mwen aplodi Gouvènè Hochul ak Egzekitif Konte Poloncarz dèske yo asire Bills rete nan Buffalo, kote yo apateni yon fason lejitim. Envestisman estratejik sa pral kontinye alimante ekonomi nou an, kreye opòtinite pou mendèv nou ak jenere enterè nasyonal ankò nan reyion ak eta nou an".

Chèf Majorite a Crystal Peoples-Stokes te deklare, "Felisitasyon pou tout pati nan negosyasyon an ki te rive jwenn yon akò pou yon novo estad pou kenbe Buffalo Bills nou renmen an nan NWY. Mwen pa ka tann pou m revize tèm ak detay akò a pandan n ap travay pou nou etabli yon akò sou benefis kominotè pou pwofite opòtinite pou avansman inik sa nan yon jenerasyon".

Majistra Buffalo, Byron Brown, te deklare, "Mwen vle felisite Gouvènè Hochul dèske li te rive negosye ak siksè yon akò pou yon novo estad ki asire Buffalo Bills nou renmen an rete nan Lwès New York. Mwen remèsyé Gouvènè Hochul, Egzekitif Konte Erie Poloncarz, Terry ak Kim Pegula ak Komisè NFL Roger Goodell dèske yo te travay ansanm pou fè Buffalo rete yon vil NFL pou yon avni previzib."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)